

光緒重修安徽通志

重修安徽通志卷二百五十五

人物志

義行九

池州府

唐陳什萬青陽人父宮賦景雲二年官觀察什萬家居好義天寶六載出穀萬石濟荒詔旌爲義民今所居村有義民亭遺址

池州府志  
青陽縣志

江迪湖青陽人天寶十四載歲饑出粟萬斛賑濟事聞詔旌其

門池州府志  
青陽縣志

宋羅什萬青陽人家饒而好義寶元二年募民入粟實邊羅以

粟十萬斛進敕旌其門青陽縣志

沈仲傑青陽人寶元閒出粟賑饑邑令裴以事申請有旨令親

詣其門作太和亭以旌焉

青陽縣志

甯達文青陽人居陵陽鎮元豐閒大水里中漂溺者千餘家達文出粟五千石以賑事聞敕獎里人立祠陵陽祀之

江南通志

葉梓字元材貴池人佐其父奮以力田致富弟權字元立亦能助其兄經營一切俱善治家不得妄費衣食自一錢以上必均三世二百人四十餘室不別盤案而飯者百年有餘以頌親友之乏賑鄰里之貧餓一鄉稱善人長者弟楠森同時爲鄉貢進士而楠及進士第一門之內無異好皆如一人

葉適水心集

袁洪順青陽人寶慶三年大禮與伯兄進士洪寬仲兄洪廣共輸粟數千石賑饑有司題請得旌

國朝雍正元年

賜祀忠義祠

青陽縣志

元何清甫青陽人大德七年歲饑出粟二千石助賑詔旌其門

江南通志

何子和青陽人世居仙隱山後遷坊市南門歲饑出粟周賑一

方今其巷曰仙隱巷坊曰仙隱坊

青陽縣志

明桂元卿石埭人元季之亂有段指揮者率兵駐邑獲賊則聽其誣指以爲利有兄弟三人被誣非賄不釋元卿罄其所有僅

可勾二命妻李氏出釵助之由是三人皆免

池州府志

胡功孫青陽人少喪父母貧無以斂同里羅勝二爲之殯功孫感其恩遂依於羅氏洪武初勝二爲里長辦糧以遠限應論法

功孫代之任其延遲之罪以死今羅氏世祠祀之

青陽縣志

徐文忠青陽人嘗獨建永堅東陽二橋遺趾尙存

青陽縣志

李積慈貴池人正統十一年出穀二千餘石備賑有司上其事

旌爲義民

池州府志

馬如騏貴池人天順閒與弟如隆各出粟五百石以賑不受冠

帶同邑李清孫俊杜玉珍成化閒皆輸粟五百石以賑賜七品

冠帶

池州府志  
貴池縣志

胡浩源貴池人成化二年過銅陵見歲荒運米五百石往賑賜

冠帶辭不受旌其門曰尙義子綱迪俱有父風嘗拾遺金訪其

人還之同時青陽方志高亦捐穀千石賑銅邑饑

池州府志  
青陽縣志

章禧遠青陽人正統閒出穀二千石賑饑旌爲義民同邑李瑄

山亦是年出穀三百石助賑又有鬻妻償債者爲給資以免之

國朝乾隆二十二年詳請入祠

池州府志

柯原民青陽人洪熙中祭酒李文毅以直言忤旨廷杖幾斃原

民匍匐救歸義聲著都下

國朝乾隆元年詳請入祠

池州府志

章伯通青陽人成化中出粟九百斛備賑同邑江鈺出粟五百

石備賑章叔仁捐穀千石備賑俱賜七品冠帶

池州府志  
青陽縣志

陳有讓青陽人成化宏治閒屢施穀賑饑賜七品冠帶

青陽縣志

方俊青陽人成化閒捐穀千石助賑同邑程環宏治初捐穀千

五百石助賑

青陽縣志

余志貴銅陵人宣德中與弟志英志高同建大成殿志貴又獨

建池郡明倫堂朱子祠祀鄉賢

池州府志

楊時遇石埭人正統閒出穀一千五百石助賑同時方守仁出

穀二千五百石助賑

國朝乾隆二十一年

旌表建坊

池州府志  
石埭縣志

蘇遜三石埭人成化閒散粟千餘石助賑後又捐粟八百石不

受冠帶

池州府志

蘇注石埭人嘉靖閒出穀二千五百石助賑旌爲義民

池州府志

屈永德建德人正統閒出穀二千石備賑同邑黃學通正德閒

出穀三千石備賑金鉉嘉靖閒出穀二千石備賑檀萃出穀五

百石備賑王道顯出穀八百五十石備賑並旌爲義民又姚添

出穀數千石以賑辭不受旌

池州府志

鄭正榮建德人歲歉出穀五千石助賑貴池銅陵建德東流四

邑給冠帶旌其門

池州府志建德縣志

方燦青陽人正德閒捐穀千石助賑同邑張效及貴池汪深皆

以出粟輸金助賑賜冠帶旌門

青陽縣志貴池縣志

袁國光青陽人嘗於新安旅次拾遺金俟其人還之又娶妾知

爲故家女卽召其父還之

江南通志

劉裕貴池人建橋以濟行旅施棺以惠枯朽嘗一日經渡口拾

遺金一橐俟其人還之

池州府志

蘇潯石埭人嘗於陵陽寺得遺金守二日還之同邑李用質於道中獲一遺橐內一檄及楮帛千餘緡坐道傍守二日俟其人還之

### 國朝乾隆二十一年

旌表建坊

池州府志  
石埭縣志

檀昂建德人嘗於黃泥岡拾廣信解戶孫德遺官銀三百兩驗實還之孫爲建還金亭同邑王之鼎諸生金魚皆以還遺金見

稱

池州府志  
建德縣志

徐廷極建德人道拾遺金俟而還之後又得遺無所還卽以散



給句人又嘗拒鄰婦於夜讓美產於兄樂善不倦

建德縣志

王致祐青陽人嘉靖閒出粟五百石賑饑又出穀六百石以濟困急捐田數十畝以供丁費同邑鮑東萬厯閒出穀五百石助

賑

青陽縣志

謝克遜青陽人正德嘉靖閒屢出穀賑饑計七百餘石同邑章世貞修橋路置義冢費皆以千計又方校嘉靖閒捐千金修郡

學吳文元萬厯閒捐穀數百石以賑

青陽縣志

王棟銅陵人邑中有大工役如建尊經閣修學宮濬玉帶河等棟皆任之至掩骼施棺賑貧恤疾歲以爲常萬厯閒頻年大水

糴金走千里糴穀運歸以賑人皆德之

銅陵縣志

袁泰銅陵人歲歉捐千金以賑嘗重建明倫堂至修橋砌路恤貧焚券歲以爲常又因赴試聞哭聲詢知鬻妻還債遂傾囊贈

而全之

銅陵縣志

曹大統貴池人流賊躡池請行團練法募丁壯禦之眾賴以保賊所掠婦女輒贖還其夫家歲荒助賑施衣置櫓及病革檢數千金券還人而歿

池州府志

卽大徵貴池人左兵駐池兵備程世昌欲犒師而難於將命者大徵請行因說良玉退師旣又欲屯東流復以俳語說之曰將軍不世之業不可付之東流良玉遂率師出境錄功授遊擊不

受

江南通志池州府志

章一守貴池人有貸其金者偶過其家其人疑索負漫言曰將還矣旣而見眾共至詰之乃將鬻妻以償諸負來者媒氏并索負者也一守大驚卽解橐代償而返又里有雙人山居盜過其舍強之炊後盜敗株連爲力辨脫之

池州府志

何大廉青陽人夜見一婦抱子投井救而詰之乃知爲夫累稅  
繫獄變產數十金完納而遺於路計無復之矣大廉本貧將妻  
妝匱變換代完

青陽縣志

陳明璵青陽人萬厯閒出穀四百石助賑同邑貢生汪世臣崇  
禎閒捐穀數百石備賑授冠帶

青陽縣志

董卓祥青陽人崇禎閒捐穀千石助賑又捐金數千兩修學創

建宗祠

青陽縣志

王之璘青陽副貢布政使一楨子明季以賢良薦親老不赴設  
義田建義塾捐穀助賑鄉鄰德之左兵南下罄家財募壯士嬰  
城固守城賴以全又太學生甯三晉與同里陳懋諳率鄉勇守  
禦保全一鄉又嘗散穀施粥置棺槨建義冢

江南通志  
青陽縣志

王正繩青陽人歲連饑每出穀數百石以賑

國朝乾隆六年

旌表建坊

池州府志

陳其恭銅陵人邑東北仁豐三圩向無埠岸江水內灌悉爲巨浸崇禎十一年其恭同弟其葵捐資買繁昌縣民地爲隄趾創築隄四百餘丈三年訖功圩無水患至今居民祀田祖必頒胙於其家

江南通志

章福石埭傭人子身無妻子日得傭米積之至歲杪轉赴河埠閒擊小鐘呼貧者聽自取盡乃歸歲以爲常垂老不倦後入華山莫知所終

石埭縣志

曹輔恭石埭人年四十無子客遊青陽道拾遺金守之不去少頃有嫠婦攜子哭而至乃變物以償債者也舉以還之明年得

一子

石埭縣志

國朝姜南金貴池諸生順治閒歲饑首倡平糶作隨分言以勸族

人眾皆樂輸他族皆效之是歲饑而不害

貴池縣志

章如玉貴池人幼孤事祖母至孝歲饑捐穀數百石以賑又製絮衣置棺槨以給寒與不能斂者葺橋梁治道路歲以爲常

池州府志

府志

曹大仲貴池人明季流寇偪境出千金爲倡募壯旅守要害同里以全歲歉糴米西江以濟糶又就道設糜食老疾之不能受粟者至助婚喪調匱乏歲以爲常其妻吳氏避寇母家置有田宅寇平而歸盡推於其族戚之貧者

池州府志

沈見大石埭人孝友仗義治津途置義冢焚通券歲歛市米數千斛助賑沈壽民爲之傳

池州府志

蘇際颺石埭人順治初首倡捐穀賑饑邑有石池渡爲徽浙孔

道行者病涉際颺審其形勢出資倡建一橋名允濟至今頌之

池州府志

陳大懷石埭人貧無立錫十餘歲時道拾遺金三十兩坐守其

人還之後以服賈稍裕嘗買一婢詰之知其有夫卽遣歸不責

值同邑章世中嘗拾遺金兩次並候而還之

池州府志

姜大望青陽人嘗置妾詢知有夫卽夜遣還又捐資獨建杜村

石橋

青陽縣志

陳良象青陽人客淮上同寓廬姓者素不相識病革以百金屬

代藏及卒訪其家還之

青陽縣志

姜邁先青陽人嘗遊京邸拾楚客遺金追而還之同邑王應瑞

宿金陵南關拾汪姓遺金追數十里還之又陳伸元陳當仁謝

尙文甯光覺王嘉馨曹樹滋皆以還遺金聞

池州府志  
青陽縣志

徐元亮青陽人家素貧嘗拾崔姓遺金并人參盡舉而還之

府志

童士元建德人嘗過徽嶺拾遺金五十兩守其人還之篤於宗

族葬高祖以下十餘喪其他捐資修學解紛息訟善行不可勝

紀池州府志

歐陽輅建德人事母孝曾兩次拾遺金並給還原主同邑徐溶

家極貧得遺金訪其人還之後稍裕遇邑中義舉必竭力襄助

又姚元武亦還遺金

池州府志建德縣志

陳國甲字元及貴池庠貢授州同知父病五載奉侍不懈撫弟

遺孤愛如己出康熙戊子己丑間饑疫頻仍賑粟施藥全活甚

眾居常飲喪助婚建橋築隄俱竭力從事乾隆九年

旌表建坊

江南通志池州府志

陳尙元青陽人年十四父病日夜號泣奉侍不懈嘗路拾遺金

四十兩守其人還之

池州府志

俞錦鉉銅陵人康熙十年三十三年旱皆煮粥以賑全活甚多

又改建新河口石橋重建文昌閣創紫陽書院累費數千餘金

其他善行不可勝舉

池州府志  
銅陵縣志

章之盛銅陵人康熙閒重建學宮敬一亭子燦歲貢踵成之燦

又創築新溝石橋置大江渡船設葉山亭施茶子孫遵守弗替

池州府志  
銅陵縣志

邵魁銅陵貢生康熙閒在都贖取銅陵會館邑公車北上者至

今賴之又置贍族義田獨捐順安鎮犁橋鎮兩處社倉基址其

他捐米助賑買穀濟貧一切不可勝紀

池州府志  
銅陵縣志

周士貴銅陵諸生邑之洋湖瀕順安大河向無隄塍湖田數千



水漲皆沒士貴獨建隄閘以備蓄洩邑人利賴又歲災捐穀

助賑疫施藥歿施棺義事甚眾

池州府志  
銅陵縣志

朱良珍銅陵貢生重修邑志獨任其費至如建賢門造橋設渡  
給賑賑貧諸義舉行之至老不倦

銅陵  
縣志

徐堃東流人授職州同知父鼎儀以好善著於鄉堃繼其志府  
治九華門外興濟橋青雲隄歲久傾塌堃獨任其費至六千餘  
金其他修學治橋砌路築隄諸善舉不下十餘處

池州  
府志

周士信東流人嘗置雙河義渡並捐田給舟子爲經久計邑中  
以形家言議建天然塔而費不給時士信已卒其妻陳承夫志  
慨然獨任並創建天然書院置田畝以資膏火事聞議敘官其

孫鵬飛渾源州吏目

池州  
府志

吳徵錢東流人友愛兄弟惠撫諸姪調濟族黨捐修石橋六座

砌石路五十餘里費俱千金

池州府志

張芳新貴池人康熙戊子歲歉捐穀五百石助賑人稱其義

池州志

府志

張惠美銅陵人嘗捐資置學宮几筵祭器康熙閒水災獨力賑

粥數月邑人賴之

銅陵縣志

章雲達銅陵人嘗獨力建五松書院器用備具至請豁浮課代

表節孝焚券恤貧尤多義概

銅陵縣志

章培義銅陵人候補州判獨建

萬壽官府學大成門易蓋學宮銅瓦兼置禮樂祭器修名宦鄉賢諸

祠其他設渡建亭修橋砌路義行尤多

銅陵縣志

是星斗銅陵人邑長龍山當四方之衝嘗捐數百金創築亭宇

於其上歲時烹茶以濟行旅人共德之

銅陵縣志

重修安徽通志

卷三百五十五

人物志

義行

七

池州府

方立字掄先貴池人孝孀母友兄弟睦族黨歲歉買穀千石半價以售穀盡復買麥二百石以繼族中貧乏者咸得資助不致

播遷

池州府志

方之鈞貴池諸生歲饑輸穀數百石倡首全活無算孫春長遇歲饑能嗣其志亦捐米助賑施棺施衣食以爲常

貴池縣志

陳治策青陽庠生事親孝兄弟友愛好施予歲歉嘗捐穀三百

石以賑饑

青陽縣志

賀成佐青陽人性寬厚善排解歲歉助賑千金

青陽縣志

徐翀青陽歲貢官儀徵訓導解組後輸田五十餘畝爲修學宮

賈輸田七十畝爲義莊以贍族之貧者又邑有公舉如建文昌

閣崇聖祠皆竭力贊成

池州府志

劉必融字明有青陽諸生敦行樂善建鎮華滙源二橋各費千

餘金助田十畝於蓉城書院建文昌閣於郡學戟門左乾隆四十年子貢生世昌步雲以形家言又移建樞星門左子孫世修不替

池州府志

劉其發青陽諸生每歲歛捐資助賑又置義田以贍族將歿屬其子廷勳必修滙源橋廷勳承其志遂捐千餘金成之

青陽縣志

張有振石埭人祖國林以好義聞有振承其志乾隆六年捐八百餘金助賑又捐金修學

池州府志

羅徵臣建德諸生素好義捐資修路自羅家山達蜈蚣嶺四十里又自羅家山達石埭沈阮嶺四十里東達東流洋湖阪十五里西達低腳嶺三十里又自城東門直抵西門皆以石砌其費六千餘金其他造橋建亭諸善不可勝紀

建德縣志

張尙道建德人同弟諸生尙通捐金修路並砌以石又獨建奎

文閣修學造橋買舟濟渡施棺掩骼製衣贈貧人皆義之

建德縣志

倪欽嵩建德人嘗貿易泥關街鄰火被災者數十家艱於豎造

欽嵩不惜重資補助復安堵如故

建德縣志

俞士杰銅陵人與弟士標皆尚義歲歉煮粥以食路人又捐米

千石助賑又減價平糶費千金有奇

池州府志

江通濟青陽人歲歉出穀助賑乾隆間嘗欲建義學於費宮側

未果子自珊率姪等成之費二千餘金又捐銀五百兩為諸生

膏火大府上其事授自珊主簿職

池州府志

劉廷英青陽貢生性好義輸膏火田於蓉城書院歲歉出穀助

賑又輸銀一千二百兩修鎮華匯源二橋

青陽縣志

陳霖石埭廩生事繼母孝世父無嗣遺產盡捐入公嘗買婢詢

知其父諸生即為擇配遇歲歉尤多賑助

池州府志

孫豐積石埭人性好義尤厚於宗族同族七百餘口自乾隆十

七年起每歲以穀數百石分給二十餘年行之不倦

石埭縣志

陳梯雲石埭人乾隆辛未歲歉設廠平糶所費不貲又與叔洪

善捐穀入公助賑

石埭縣志

唐懋奎石埭貢生乾隆乙巳捐穀三百石助賑次年又減價平

糶倡建祖廟出八百金襄祀事造橋建亭施棺施衣義舉甚多

石埭縣志

張應牛石埭諸生乾隆丙午嘉慶壬戌平糶散賑各費數百金

至建文昌閣修廟造橋及捐資家廟共費一千數百金人皆義

之

石埭縣志

沈廷標石埭人乾隆丙午嘉慶乙亥其輸粟一千一百石助賑

其他如建文昌閣修考棚建淩雲塔諸義舉捐費尤多

石埭縣志

儲同華石埭入性孝母疾不解帶者三月乾隆乙巳歲歉鬻產助賑流沙嶺爲皖省通道山水衝決以千金修其路又修烏石嶺等處路費數百金義舉甚眾

石埭縣志

王騰翼建德人祖尙助歲以積穀平糶雍正丁未饑往江西買米運歸平糶四月騰翼善承祖志乾隆乙酉庚子歲歉往江西買穀運歸平糶乙巳捐三百金助賑議敘由布政司經歷加一

級

建德縣志

徐炷光建德人嘗捐千金修高嶺路行者德之

石埭縣志

張冕祚建德人邑庠生居於堯城其地西北隅受風居民不利冕祚構亭其間徧築石牆周八十七丈高九尺種樹以衛至今

永賴乾隆乙巳饑捐金助賑全活甚眾

建德縣志

江原璜青陽貢生嘗捐田五十餘畝入公備祭祀考費又石砌

江村路二十餘里并承天巷街道乾隆乙巳歲款捐多金助賑

巡撫以義重鄉評獎之

青陽縣志

章以聖青陽貢生賞捐資建倉前河琵琶橋并修曹店湖路費一

千餘金

青陽縣志

孫彰士青陽貢生乾隆乙巳捐粟助賑巡撫獎以義重鄉評扁

額

青陽縣志

陳雍青陽諸生嘗焚借券五百餘金乾隆丙午輸穀助賑巡撫

獎以義重鄉評扁額

青陽縣志

吳光賢青陽貢生每歲款捐穀平糶乾隆乙巳捐穀五百石助

賑

青陽縣志

許桂森青陽庠貢歲款捐銀八百餘兩助賑性喜修造橋路鄉

里稱之

青陽縣志



楊士亨青陽諸生嘗助田三十餘畝入公給考費其子善承父志於嘉慶十九年捐銀六百兩助賑

青陽縣志

羅惟源青陽貢生性好義每歲歛出粟賑濟倡建橋廟費至千餘金不吝

青陽縣志

曹士琳銅陵人嘗捐資一千數百金修建圩隄至今賴之

銅陵縣志

蔣國政銅陵人每歲歛必輸穀賑濟嘗出巨資建橋築隄其子踵而行之捐築流潭圩隄壩建永濟大橋及小石橋四築長隄數百里行旅賴之

銅陵縣志

章允升青陽人考授縣丞少孤事母孝乾隆辛未丙子歲歛出穀各五百餘石以助賑他如建橋濟困義行甚多

青陽縣志

曹一嵩青陽貢生乾隆庚申辛未丙子歲歛共捐穀一千五百石有奇以助賑又建亭修路施棺助喪人俱頌之子如利候補

州佐亦修路施棉獨力修建東洛橋善繼厥志

池州府志

王世圭青陽貢生乾隆丙子捐穀三百石助賑施棺修路一切

義行皆力行之

青陽縣志

甯岨青陽貢生乾隆癸亥春饑散穀千餘石丙子減價糶米千

餘石同族甯元英例授州判與貢生甯芬亦於癸亥歲各捐穀

六百石助賑

青陽縣志

曹必立青陽人嘗捐八百金建關帝廟又助田以供祭祀修石

埭博古橋義行甚多

青陽縣志

謝宗譽青陽人性孝友喜修治道路以便行旅乾隆己未癸亥

捐穀三百石助賑又散穀數百石以濟族黨子君榮貢生能承

厥志乙亥丙子連歛散穀助賑人頌世德

池州府志

陳聖撰青陽貢生與弟聖典友愛好義樂施乾隆壬申丙子並

出穀助賑平糶修造各處石橋又倡捐五百金建三溪石橋焚

券恤貧義不勝舉

青陽縣志

許國全貴池人候選經歷乾隆辛未歲歉出米七百石平糶丙子歲饑復捐米千餘石散給他如修橋路助喪葬住恤之事甚

多

池州府志

呂曰英貴池人乾隆乙巳歲歉捐三百金以濟族黨有葉姓者貧將鬻妻英知之周以貲夫婦得全

貴池縣志

章應彭貴池人嘗建亭黎嶺以憩行人且輸田爲經久計偶於城南見投水者拯之出問其故知爲失金計無所出乃如數與之不告姓名而去同邑曹應忠幼見遺金弗取歲饑爲食於路以待餓者又吳元美家極貧嘗拾遺金數十兩還其人

貴池縣志

李咨諷青陽人捐穀濟貧解爭息訟嘗路拾遺金守而還之

邑陳邦彥亦還遺金嘗買妾詢知有夫卽遣歸不索值又吳濟生柯世福章光恩徐久沈啟文庠生徐遵路皆以還遺金聞

青陽縣志

錢開壽青陽人家極貧傭工度日嘗拾遺金百兩守而還之其

人分以謝不受

青陽縣志

汪世珍青陽人有客同舟分路舟子誤發油一桶內藏白金四

百急追還之同邑程九如嘗還遺金有負逋鬻妻者出金全之

池州府志  
青陽縣志

金元音東流人嘗拾遺金還其人

池州府志

李洛陽石埭人採樵爲業嘗於郵亭拾一囊金守而還之不受

酬同邑諸生陳永獻亦以還遺金聞

石埭縣志

劉紹寬青陽諸生少失怙孝事孀母母歿哀毀骨立嘗捐穀三

百石助賑臨歿屬子孫輸膏火田於蓉城書院又輸學田三十

餘畝爲考費貧士賴之

青陽縣志

陳廷珍青陽職監父占春以好義聞廷珍承父志族黨中有不能卒歲者必量予之又出數千金修砌破石白龍二嶺其子亦克承厥志捐銀五百餘兩賑饑

青陽縣志

謝君錫青陽人嘗建家廟輸田爲祭費又買山作義冢乾隆丙子乙巳歲歉捐穀四百石助賑嘉慶甲戌子學詩承父志亦捐穀二百石助賑

青陽縣志

陳繼祖青陽人與弟秉南皆諸生歲歉捐銀六百兩助賑

青陽縣志

楊士文青陽職監性好義嘗捐田五十餘畝入祠公給考費子佐俊承父志於嘉慶十九年捐銀六百兩賑饑

青陽縣志

楊士奇青陽職監捐田五十餘畝入祠公給考費嘉慶十九年

捐銀六百兩助賑二十五年又捐穀百餘石以給貧乏

青陽縣志

江振聲青陽諸生事父母及繼母以孝聞友愛兄弟嘗出五千

金建雙河口石橋并石砌殷家巷路歲歉捐資賑濟復施絮衣

三千領棺木八百具其他義舉不可殫述

青陽縣志

徐廷魁青陽諸生嘗捐金數千兩建安徽通衢萬福橋橋石建

亭並鞠田亭中爲暑月行人茶費

青陽縣志

姜其章貴池人歷任東莞清河二縣典史嘗奉委巡視黃河夜

聞婦人泣聲哀問之知其夫名周健出遊無耗家貧姑病是以

悲耳乃給銀一兩以助醫藥明日僞作健書並白銀十兩寄其

家健母得書病頓愈踰月健歸人始喧傳其事

貴池縣志

曹雲昌貴池諸生援例授州同歲歛出金數百以賑鄉鄰戶各

三兩又散穀百餘石

貴池縣志

桂士鴻貴池人嘗獨建宗祠置祭產計費五千餘金歲饑必捐

金助賑邑建興濟橋輸五百金以成善舉

貴池縣志

胡大志貴池諸生承父遺言置田貯穀以給貧乏歲以爲常嘉

慶十九年旱捐穀三百石助賑子光誥光訓道光三年水亦捐

穀數百石助賑

貴池縣志

程良佐貴池人邑建新濟橋捐錢千緡助之又輸三千金於秀

山書院以助膏火

貴池縣志

何正儀建德人嘗貿易東流見有倉皇求自盡者救之詢其故

則齋金數百爲父贖罪擔夫失之計無復出耳正儀傾囊贈之

不告姓名徒手而歸

石埭縣志

余善銅陵人家貧有汪呂二商適遠郡寄藏白金二千餘兩突

被火災他無所問獨負二商金出室慮灰燼商至遣所寄封識

如故銅陵縣志

倪淑獻建德監生性孝友慷慨好施乾隆五十年奇荒淑獻於

邑捐重資助賑於須江捐米百石建德縣志

張立楫銅陵人年三十妻亡不再娶授徒牧姓館中牆壞得藏

金數百呼牧取之牧願與分立楫不受曰此汝家物也銅陵縣志

閔煌銅陵人候選州同父病侍側三年不少懈孝事繼母乾隆

乙巳捐金六百助賑嘉慶甲戌又捐千餘金以賑族黨義之銅陵縣志

縣志

曹炎燮銅陵人道光三年水災捐一千三百餘金以賑他如助

喪葬婚娶施藥給棺建橋修路義行不可勝紀銅陵縣志

胡淵泉銅陵貢生父國祺獨建府學崇聖殿淵泉於嘉慶壬申

復重新之道光乙酉在順鎮倡眾捐資設崇仁局以施濟并置



豐備義倉

銅陵縣志  
以上舊志

陳寬青陽貢生乾隆五十年賑饑平糶又鮑梓好鮑思齊何若  
顯何繩吉何繩球甯文濟王國茂羅永泰李任佑均於乾隆時  
捐穀助賑

青陽縣志  
以下新修

袁煥青陽監生少孤事母孝長尤好義學宮書院考棚尊經奎  
星兩閣及文峯案鎮城通濟二橋皆次第修舉歲饑傾貲賑濟  
尚書王懿修爲之傳其後江繼先捐田三十畝建鎮城橋閣

青陽縣志

縣志

李習書銅陵人族有老廢者贍之終身費胡城澗石路五百餘

丈

池州府舊志  
銅陵縣志

余時雨銅陵人獨建新橋又設工山及新河渡船冬棉夏茶施

濟不倦

池州府舊志  
銅陵縣志

何若源青陽人拾遺金不昧乾隆乙巳捐資賑饑後有謝子高者拾遺金百兩待三年還其人又賀明相曹安心陳世顯陳恒祝陳聖範吳學清庠生倪庸皆有還人遺金事陳聖範又獨修

青雲橋

青陽縣志

姚世柏建德人家貧拾遺金百兩還其人又朱安穀拾錢券二

百緡訪失者還之

建德縣志

孫庭珍青陽監生歲歉出錢數百緡助賑將卒囑子焚券數千

金又吳鎮陳錫補陳子學貢生施有文甯修歲貢曹文槐倪家

琛俱有焚券事甯修又有讓產與弟之美

青陽縣志

何正吉姚經邦劉文遴俱建德人皆嘗還人借券不責償又張

文定徐登庸劉希烈黃世榮均有焚券事

建德縣志

徐成德青陽人嘉慶中歲饑兩次捐金賑卹族鄰橋亭廟宇亦

多助建又監生王文月賑穀六千石貢生王德院賑穀三百石  
徐成魁徐榕徐燭吳學昇吳尙謨阮有望增生賀逢昱監生賀  
家仁並於嘉慶中各捐穀賑饑

青陽縣志

王志江青陽監生七世同居持家五十餘年內外無閒言嘉慶  
閒

旌建義行坊

青陽縣志

從懷寶青陽監生修小路口金山湖石路費千餘金監生倪六  
韜嘉慶中修南河猫兒兩橋費千金又監生王德喜造湧泉石  
橋并修路費千餘金

青陽縣志

徐承需青陽貢生倡修宗祠建通濟橋重修武廟其費千餘金  
道光己酉水災捐穀八十石贈族咸豐初捐金助徽防軍餉同  
縣候選同知江在鎔亦於己酉歲賑粥施絮衣數月倡建節孝

祠獨建橫橋石橋

青陽縣志

陳理明青陽人州同銜道光甲申歲款助賑子錦英貢生建梅村橋修破敵嶺白龍嶺路創興義館費二千餘金理問銜陳楨慶亦於道光甲申兩次捐賑共五百金又捐百金入公培養多士又陳椽慶陳錦堂陳錦春陳咸賓胡光奎施景星江宗禮牛士本牛正緒牛學返胡桃元吳立誠何培謙倪汝賢汪敦彝舉人甯應祖貢生江沛鏞均於道光間各捐錢穀賑饑

青陽縣志

江周佐青陽人道光十年同弟周倣捐穀千石入豐備倉道光咸豐間施鸞輿施世道亦各捐穀入豐備倉倪繼佳徐成瑄捐穀振濟

青陽縣志

陳振玉東流監生道光初修坦埠石橋及湖保坦保石路十餘里十一年水災煮粥賑饑是年監生章盛熙捐三百金助賑十

三年同弟盛緝賑粥三月又章蕩庭亦兩次捐賑施粥

東流縣志

周新洛東流增生道光初發穀百餘石賑饑後復遇荒捐施金

粟春貸種助耕秋不取償

東流縣志

張思東流監生樂善好施子附貢洪恩監生定中承父志築井

盆松彬石路各數里道光中歲稔捐賑二次

東流縣志

胡萬鏞貴池貢生道光中建牙關山下石橋十餘年始成費二

萬餘金倡修紅石潭橋三年始成

貴池縣志

洪盛華東流文生道光十一年知縣陳觀理賑水荒造門詢利

弊盛華條對悉嘉納之又嘗收養孤子二人教讀婚配

東流縣志

姚君祥銅陵鍛工歲饑有鬻妻者稱貸完娶之

池州府舊志  
銅陵縣志

徐準青陽附貢戚某買妾過其家詢知因家貧夫病而嫁即出

金償某勸歸其夫又甯一介代鬻妻者償債完娶代投水者納

租全生

青陽縣志

陳嘉謨青陽人獨置池郡試館歲歛捐穀賑饑平糶二次又陳榮道光咸豐間歲饑獨賑二次施粥一年亂後贍族養鄰並置山瘞骸又費千餘金宗祠燬輸千金助建子攀桂等成其志

青陽縣志

張聚石埭庠生成豐初出三百金給族人爲避難之費又貢生

陳道靜調濟同鄉難民全活甚眾

石埭縣志

沈廣颺字欽齋石埭增生秉性正直事關名節者必力爭之鄉

建水口塔及義學皆身任其事孫衍慶官江西廣颺寄楹聯訓

之云人於方寸存清白官在朝廷任去畱衍慶卒以忠節循良

著詒謀力也

石埭縣志

檀騰霄貴池監生成豐六年出穀百餘石濟旱南陵人十二口

自賊中逃出資遣歸之又監生鄭樹聲桂步昌附貢曹標從九曹池川並有平糶賑饑贍族諸義舉監生羅漸達產業僅萬金

施予殆盡

貴池縣志

李英集建德監生造路建橋倡首捐助自紅嶺西溪一帶山路險隘募金不足傾囊成之又修低嶺路紫澗橋龍泉橋諸亭路祠廟所費約數百金子濟元由團練把總立功存保都司帶建字營保衛池州捐築清溪壩重建福主祠籌備生童院試卷費迭捐銀米助賑并濟難民府縣試院省城書院興修皆有捐助又建月山橋亭行人稱便

建德縣志

王治純建德人咸豐間捐六百元倡團練復捐一千四百金穀六百石作防堵暨死難家葬埋之費族建宗祠捐錢五百餘緡

建德縣志

汪先慎東流監生咸豐十一年水災施粥兩月又獨修楊家橋

雙鳳橋

東流縣志

曹壞字舜五青陽人知府銜知州孝友尙義嘗獨建太平桃阮口石橋於本族置義地於休甯屯溪置義冢其費數千金咸豐中倡捐軍餉五百金歲饑施粥數月又倡捐米石於黔之漁亭給散年餘又知府銜曹廷桂字達材修造橋亭路歲饑施粥三月子英承父志倡捐千金并勸族捐五千金以賑流亡獨建明倫堂收瘞道殣又曹永修獨修太平東冲嶺路咸豐中助軍餉

二百金

青陽縣志

張聚奎青陽人客休甯和村青陽逃難者按口給米又與張東玉捐二百餘金資遣而歸又貢生章廷標倡捐三百金在銅陵大通買米給散難民又章道化陳國經陳寶桂陳慶桂陳中仁



吳德榮並於咸豐間捐濟難民

青陽縣志

陳隄青陽人恤貧濟困歲以爲常子掄元伊鼎捐米百石安撫  
漁亭流亡又入二百金於祁門難民局嗣後賑族米七百石掩  
骼千餘具學宮東廡費三百餘金建之又陳攀兩次勸捐賑饑  
在漁亭積米四千餘石安集流亡

青陽縣志

汪有綰青陽人建惜字爐每日沿村拾字紙焚化久行不懈

青陽縣志

鄭自堂建德文生敬惜字紙雖污穢中必拾焚之同邑馮學倫  
造送惜字龍朔望親至各村收檢焚化又監生徐祖初出費輸  
官請禁私宰耕牛凡數十年監生徐元文喜放生重金不惜監  
生汪承柟每冬施棉數百領濟寒文生王燮捐貲勸育嬰戒溺  
女刻善書徧送

建德縣志

唐樹芳貴池人捐銀千兩錢千緡置書塾又置義租贍族及周

濟貧乏

貴池縣志

曹子彬貴池監生捐錢米助餉給鄰人邱又生廬墓資贍其妻

子三年

貴池縣志

曹錫田貴池人布理問歲荒賑粥施衣施棺以千金修池州府

新橋又監生陳之炳捐數百金賑饑監生曹向離理問曹敬國

均各三次賑饑敬國復獨修普濟橋

貴池縣志

王熾昌貴池貢生好修橋路每歲除施送米炭常以貿易資三

分自用七分濟人因名堂曰三七焉

貴池縣志

徐大琳青陽人輸金二百田十畝爲贍族之費子四川簡州知

州鳳翔復捐錢千緡踵行之又徐繩祖偕弟望澤共捐田九十

餘畝爲士人課試費千總陳萼捐田十八畝以立義倉

青陽縣志

江暄字睡山青陽舉人候補郎中施樁給棉歲以為常砌許家

灣石路數里又王永恩助錢八百緡創興育嬰堂

青陽縣志

周文棟青陽貢生獨建魁山福兒建子諸嶺及古港阪四處涼

亭

青陽縣志

張景瑞青陽人捐五百金為寶興費輸田設立義學又張廷賜

輸金三百興立義學修金霞峯下險路費三百餘金

青陽縣志

徐熙祖青陽人捐祠費四百金歲歉出粟濟貧乏熙祖之孫文

生鴻鑾亦捐三百金助建家祠

青陽縣志

曹小春青陽人同曹福星各出千金修貴池石門嶺路

青陽縣志

曹學文青陽人同弟學禮學義合建支祠修屯溪華山寺捐田

施樁共費數千金

青陽縣志

楊嘉樂石埭人按知事銜置祭田數十畝入祖祠歲歛恆出穀

賑族又捐軍餉練費錢米約數千金又楊茂國同弟茂完捐穀

賑荒監生桂廷敏歲歉賑濟族鄰

石埭縣志

楊金印石埭監生道光二十九年水災倡捐平糶咸豐初粵逆

之亂復捐米百石又勸捐穀千石賑濟後遇賊殉難

石埭縣志采訪續呈

奚鳴鐘石埭人在京師病劇區畫後事出六百元爲修宗祠城

隍橋渡諸費

石埭縣志

鄭周愷建德人捐租宗祠爲祭費助守貞寡姊租二百石爲養

節撫繼費年荒倡捐賑卹又姚維翰黃聯芳王振翥葉明昭戴

梧鄭白職孔昭著均於荒歲出錢穀助賑平糶施粥濟饑

建德縣志

姚志建德人乞食所得轉以濟人或以修路

建德縣志

劉學祿建德人兩次修復普仙橋先後各費數百金又劉希鈞

兩修韓家橋金家阪橋時疫施棺百具

建德縣志

葉兆鍾建德錫工遇債偏投水者贈金活之歲大疫施棺數百具先是李維遠李芳遠倡修雞頭樺根二嶺及是復祀兆鍾重修費二千餘金

建德縣志

張儀運建德人官主簿告歸藏書萬卷修城助賑共輸五千金年八十三親見五代著有聽讀軒詩稿

建德縣志

胡培東流人捐山田莊於和義局每冬施棉衣金粟及收檢尸

骸

東流縣志

周炯東流歲貢藏書最富遇水旱出粟賑族獨建祖祠施棺掩骸湖南胡晴雲挈眷避賊至張溪甚貧困炯分屋給糧年餘遣人送歸後賡踞安慶擾東流炯圓練保衛并捐餉費二百餘金

東流縣志

俞相字澹川貴池文生秉心正直積學能詩池州城北三台墩

是相同姚翔黃雨田所築

桂超萬詩集自注

朱鼎王心簡俱銅陵人並年三十失耦義不再娶

夏思恬文集銅陵縣志

楊德碩字闇如文生石埭人楊一肫之七世孫樂善好施年三

十六喪妻有子四人遂不再娶

楊樹藻撰楊一肫行略石埭縣志

吳洪照東流人年三十喪偶有三子義不再娶

東流縣志

唐執中貴池廩生工書能文性至孝父病疽衣不解帶者月餘

醫藥均窮默禱身代疾得愈咸豐癸丑父卒殯於堂適髮逆竄

境執中守棺不去後以傾貲辦國家中落課徒積館穀二百金

盡以贖同里被脅難民尤為難得

采訪續冊

重修安徽通志卷二百五十六

人物志

義行十

太平府

明普周當塗貢生家極貧所居不蔽風雨而名重一時一直指  
遠來訪餽以金恐不受託言雄黃受置牀下午節取以和酒則  
金也怒其欺投之江嘗見重於某都憲爲釋一黃指揮罪酬以  
千金拒不受都憲益重其品

太平府志

張昇當塗人有蘇順者任淮安令寄木匣於昇貲甚厚昇遭回  
祿已財不顧獨負順匣走避垂數十年順歸而還之封識如故

江南舊志

劉忠福當塗人正統六年歲饑輸穀二千五十石同邑張公受

亦輸穀二千五十石許有常輸穀三千三十石並敕授冠帶旌

爲義民

太平府志

奚鐵蕪湖人嘗路拾遺金二百兩還之正統六年歲饑賑粟二千石有奇敕賜褒美成化二年復入粟二百五十石弟鈍亦以

賑粟同旌

蕪湖縣志

俞全繁昌人宣德間歲饑郡檄勸賑全慨然任之越二年復歉全經營給本邑牛種事閒給冠帶巡撫吳琛贈之以詩手跡今

存

繁昌縣志

葛渠字仲芳蕪湖人歲饑以千金散族里正德時劉璫肆虐邢珣以事忤璫被譴親知遠避渠一布衣獨俟江汴傾囊助之得達戍所有楊某者路爲賊劫助以資斧後其子官南都操撫來訪渠已前卒祭墓而去

江南舊志



章杞當塗人與韓守直爲友韓疾劇以三十金授杞不令妻知  
屬曰吾妻有孕男也幸以此撫之韓亡後妻果生男杞給衣食  
得成立後杞病篤呼韓氏子來啟篋金三百付之曰汝父以三  
十金授我今爲汝經營且十倍矣其子不敢受譬諭再四感泣  
持歸聞者皆高其義

一統志

朱容蕪湖人事親孝兄早亡割己產以資姪凡邑有建置修造  
事關民社者邑令及眾必詣容商度得當而後已每遇歲歉出  
粟賑饑竭其資不吝事聞給冠帶旌爲義民

太平府志

徐環繁昌人與弟瓘終身不析產歲饑各捐穀五百石助賑同  
邑湯鏞捐穀四百石助賑又汪元勳出粟爲糜獨賑三月餘又  
計口授粟以濟疲癯殘疾者事聞授散銜

太平府志

丁和尚者當塗人嘗鬻水於采石麓心寺拾金不貲欲還之恐

出入無時與原主左遂削髮寺中其人果泣而至盡以歸之江南通志

千鐵當塗人宿旅邸獲牀下金俟其人遣之萬歷閒又嘗出粟

助賑

太平府志

唐第字汝登當塗人路拾遺金坐待其人還之

當塗縣志新増

唐永祚當塗人歷官永春丞有政聲卒於官士民感泣子清萬

歷己丑歲大歉民情騷擾濬先捐穀千餘石倡賑邑賴以安事

聞給冠帶其前後以助賑聞者景泰閒張亨亨之子遇賢詔給

冠帶成化閒孫遇林給冠帶徐賢給七品散官萬歷閒邢靖四

前後捐穀二千石給冠帶葉瑞亦給冠帶吳守仕詔旌爲尙義

又朱桂捐穀八百石夏之裔捐穀七百石彭鈿捐穀三百石皆

好義之足紀者

太平府志

朱萬秋當塗人崇禎閒倡捐助餉協眾守城史可法時爲兵備

劄授義官

太平府志

繆懋卿蕪湖人與兄召卿皆好施予凡值歲歉出穀以賑全活

甚眾上憲屢加旌異其先以蠲穀備賑聞者周祥周信陶勛康

譜朱奎東隆袁志林陶邵成化初皆勅給冠帶

太平府志  
蕪湖縣志

郭道亮繁昌人嘗建粥菴以飼行者又不惜多金修葺峻道萬

厯閒以捐穀助賑題授散官

太平府志

國朝楊一儒字翼其當塗庠生事母孝時奉母命徧周親族之困

子錫汝順治閒以拔貢知孝豐縣邑多逋賦前令坐累者數人

一儒售家產令其子代償皆得脫然去家用是落或稱其義答

曰代民完逋以免僚友之累分也敢市名耶

江南通志

唐用極當塗人順治十四年以善行

旌表府志

梅世開當塗庠生順治十七年以善行

旌表府志

高惟昱繁昌人順治十七年以善行

旌表府志

孫啓蕃當塗庠生順治閒歲饑啓蕃家無餘蓄盡變其產以助

賑全活無算府志

曹臺望當塗前明恩貢事親孝尤善事繼母明季寇亂捐千金

修城垣棲宿城上數月賊知有備解去以薦受兵部司務黃得

功駐蕪湖欲發兵屠姑孰臺望適在軍中當得功前解衣投江

曰願先死黃遂止順治閒遇歲饑竭力拯救府學異方建亭獨

任其成弟臺觀亦能同義嘗爲友人嫁七孤女助建育嬰堂全

鬻妻諸善行不可勝紀

太平府志

張鳳陽當塗人土寇沿明季之亂蠭起剽掠鳳陽散家財糾強壯者捍禦數千里內賊不敢犯副總梁化鳳領兵來剿鄉民震恐鳳陽椎牛犒師泣陳良民遭寇之苦梁義之授以旗保全無

算

太平府志

魏允字奕人繁昌人喜施濟有負營將金者將自經允立捐數百金代償又鬻妻償逋者爲捐金全之歲募僧放舟中流收遺

骸以葬凡十餘年子康孫成康熙庚戌進士

繁昌縣志

俞茂調蕪湖人嘗拾遺金於道夜坐達旦俟其人還之康熙戊

子歲禮爲食於路以給饑者

太平府志

丁士城當塗人康熙十八年旱捐穀賑饑給藥起病助金全姻

施棺斂骸義無不爲同邑唐維震四十七年水賑穀千石施棺

重刊  
無算

太平府志

陶成琮當塗縣吏嘗於橋下拾遺金俟其人還之同邑王士卓

張國器皆以還遺金聞

太平府志

唐維翰字鶴仙當塗人候選縣丞嘗於桐城拾遺金還其人謝

之不受

太平府志  
當塗縣志

天井街民當塗人失其名嘗拾數百金於路俟其人還之不受

謝

當塗縣志

鮑之瀛繁昌增生賑饑焚券好行其德嘗有遺金者將自沈於

河之瀛如其數與之

繁昌縣志

朱國祉繁昌人嘗救一失金而自溺者如其數與之金又爲鬻

妻償逋者全其夫婦凡二人

繁昌縣志

沈啓訥當塗人康熙初周家圩常苦旱獨捐數百金修築南陡

門以時蓄洩又命其子庠生搏約同志捐金重修府學

府志

李本森當塗人祖顯宇以純孝稱本森克繩祖德性孝友嘗變產代兄償逋獨力創建宗祠他如修學宮建育嬰堂築譙樓濬市河糴穀助賑諸義舉無不創始克終同邑徐章達事親孝父母歿後一念及輒飲泣嘗捐千餘金創建家廟有姪早卒給田養其媳以成厥志

府志

吳斌當塗人康熙己酉武舉戊子饑散穀以賑不問遠近廣設粥廠日食數千人病施藥死給棺寒置綿絮己丑春夏民困益

甚斌獨助如初

府志

崔斌當塗庠生性孝友兄弟析產廬舍田地聽其自擇康熙戊子大水給錢米聚眾保護隄岸至秋有收而本佃一概免租復捐穀周他圩之被浸者己丑大疫施藥給棺其費不貲郡邑議

獎力辭不受

太平府志

趙梅蕪湖人考授州同知兄松遠賀卒於粵西梅奔走數千里扶其輓歸事嫂如母兄子早逝撫孤成立有邑人以逋負繫楚獄梅經其地爲代償以出之鄉有遠出而母死者其妻鬻子以償斂費梅卽爲贖還義舉甚多後卒感泣者載路

太平府志

劉世和蕪湖貢生康熙戊子庚寅邑連遇水災圩隄盡潰世和慷慨捐貲或獨任或勸成約費數千金築隄完固壬辰隄又決復捐數百金工始竣後值荒疫平糶賑粥施藥諸善舉皆力行之

太平府志

陶翀蕪湖貢生戊子大水邑竹絲壩沖決災民無力修築翀獨任之一月告成又捐金五百入宗祠助族中嫁娶他如造塘港義渡等事不可枚舉

太平府志



後健蕪湖諸生事親終身孺慕居鄉重推解嘗捐田六十餘畝  
入公爲族人婚喪之費歲暮貧苦者給米有差子崇高貢生乾隆  
辛卯與諸生齊思義貢生曹瑩共捐二千四百金置田爲翠  
螺書院膏火

太平府志  
蕪湖縣志

趙鳳璽蕪湖人性孝友凡喪葬婚嫁力不能舉者必助之諸姪  
年四十艱嗣者必爲置妾媵俾有後康熙己丑歲歉嘗捐貲獨  
修雙港至粽子街大路以工代賑乙未復捐金數百修魯港鎮  
馬頭行者沾惠

太平府志

鄧溥繁昌諸生嘗置祭田贍宗族婚喪無力者皆資給焉己丑  
大水溥購大木禦圩隄多得保固魯港鎮火災出資周卹歲歉  
賑粥并給棺以掩暴露者

太平府志  
繁昌縣志

盛可忠繁昌人有友將歿託後事於可忠爲經理之俾其妻胡

氏得以節終康熙庚寅歲災輸穀數百石助賑庚子亦如之及

疾革投私簿於火曰毋使後人持此爲我名

太平府志

王公倫繁昌漁人嘗拾池郡公差公文一角金五十兩不令妻

知獨坐磯畔候其人還之不受謝

繁昌縣志

徐光淑繁昌人幼失父母歲時常悲不自勝嘗拾遺金訪還之

不受謝同邑吳殿先拾遺金五十兩還其人又徐擊客游京師

於茶肆中獲遺金一棗候而還之

太平府志

仇恆培繁昌人有客攜重資寄其家數日去以暴疾終恆培往

唁客家還所寄人皆稱嘆

太平府志

全宗三繁昌農家有餘資卽以購貧乏後稍裕遇歲歉合族千

餘指並攜歸同爨食新而止

繁昌縣志

從俊繁昌庠生康熙己丑歲歉出穀數百石以贍族人全活頗

眾繁昌  
縣志

朱士奇當塗貢生父俊好施丹陽鎮東西兩橋西橋毀於蛟復造費千餘金俊出過半後東橋毀士奇承父志與兄明智弟騰飛鼎新建造費數千金又重修烏皮橋偶於橋畔拾金五十兩招其人還之歲歉賑粥數月族鄰計口授米義舉甚多太平府志崔煥當塗庠生孝事繼母親嘗湯藥嘗有因貧鬻妻者爲贖還之貧苦者歲周米穀以爲常里造樓雲橋人不成煥傾囊任之所費甚鉅又置義冢義渡捐田以垂永久其勇於爲善如此太平府志

府志

唐嘉訐當塗人年十五喪父哀毀骨立事母孝友愛諸弟雍正四年水災所居唐宅圩將破嘉訐出錢米糾眾堵築費踰百金全活數百家其先有朱熊者居於常稔圩康熙戊子圩將破熊

竭家財以供救護由是得全

太平府志

許成玉當塗庠生事繼母孝有因貧賣媳者與媳家結訟爲贖還以息其事嘗路拾溧水客遺金守而還之康熙戊子水荒首捐助賑蒙

恩旨旌表

太平府志

王文通繁昌貢生嘗捐數百金倡建宗祠復築室爲義塾又多架餘屋以居族之無依者凡族有不能婚葬者必竭力助之

太平府志

府志

吳嘉鑑繁昌諸生家初貧後以服賈稍裕嘗分給族鄰之貧乏者雍正丙午水災賑粥數月又減糶以平市價子世洪有父風嘗獨建海子港石橋乾隆辛未乙亥丙子並賣粥賑饑復出數千餘石減價平糶其父子世居魯港故義舉在蕪邑者居多

太平府志

府志

陳鑰繁昌貢生乾隆乙巳歲祿捐千金助賑邑人賴之

繁昌縣志

朱家瑾蕪湖人候選理問鄉里有義舉如創書院修學宮必傾囊助之歲歉出穀賑饑疫施藥歿則施棺經久不怠子廷耀乾隆五十年旱災捐穀四百石助賑季子廷熙歲暮必以錢米賙給鄰里行之數十年無德色

蕪湖縣志

姚從濬蕪湖人家貧歲迫雪夜從一僕至戚友家通有無足蹴一物拾視之乃囊金也僕喜以爲天賜姚正色曰人命係此可以爲利乎立風雪中俟其人還之

蕪湖縣志

程炳蕪湖諸生邑有錫類堂爲收養貧病掩埋枯骨之所經費不足每至支絀邑令屬炳司其事製藥施棺十餘年賠累千餘金皆罄產爲之中年尙艱於嗣後乃連舉三子

蕪湖縣志

夏喜當塗夏廷進僕也廷進合門疫死僅存一孫名起泰方在襁褓喜傭工養育之稍長措置脯脩使就村塾又買地葬其兩世遺骸積三十年買田九畝屋三間以供起泰喜終身不娶及卒起泰製服以報之

太平府志

張旺當塗庠生張正大之僕也正大六十無子納妾楊氏甫孕而正大卒遺腹生一子名翰家極貧旺日夜傭工供養正大之妻妾及翰衣食終身不改後翰得成立楊以守節蒙

旌皆旺力也卒年八十二

太平府志

陳錦當塗諸生敦行孝弟嘉慶十九年旱捐資六百金助賑妻俞氏亦賢姑病醵天求代姑尋愈

當塗縣志

徐俎當塗貢生慷慨樂善陽龍橋向係土木所成俎易以石又捐數百金獨建八畝橋行人頌德

當塗縣志

謝元鈔繁昌增生與弟監生元鋒並好善樂施嘉慶十九年歲  
饑各捐銀二千三百餘兩倡義平糶同邑監生李沛經亦捐銀  
一千一百餘兩平糶事聞議敘元鈔元鋒

恩給縣丞職銜祚經給主簿職銜又監生李鍾奇李燦明庠生李蓉枝  
湯維善巴光耀各捐銀五百數十兩並

恩給從九品職銜繁昌縣志

吳希蘭繁昌人道光三年邑遭大水希蘭捐工百餘金買米  
平糶事竣不願議敘大府義之給以任邱可風扁額司册以  
唐允球字右琳當塗人從九品銜孝友好義捐賑施衣濟人緩  
急傾囊不少惜嘗助建育嬰堂督修平湖埠焚積券萬餘金又  
精究方書活人無算自五十後遇生自輒施米百餘石年七十  
三無疾而逝當塗縣志

湯宗銳繁昌監生乾隆四十九年水災賑粥五十年大旱糶穀

賑餓捐修學宮

繁昌縣志

張成淦字聚堂當塗貢生急公好義捐修學宮采虹橋助建育嬰堂又造襄城橋修鐘樓移火藥局築金柱塔石岸皆獨任其事歲荒賑粥施架助棺計五千餘具

當塗縣志

許仁燕湖人嘉慶十九年歲旱倡捐平糶道光三年水決鳳林圩倡捐督修卒於工次圩民爲位以祀之

蕪湖縣志

陶文綬當塗監生道光初獨建彰義橋

當塗縣志

陶之鍾字省吾當塗增生詹事府主簿銜嘗輸田置義倉周卹

族黨里中善舉皆踴躍捐輸

當塗縣志

陶之鐸字樂堂當塗人州同銜嘗督修官圩隄倡捐助賑邑築平湖埠建育嬰堂均捐重資他如埋骨糶粥施藥施棉諸善舉



樂從不懈

當塗縣志

鍾櫛字上農當塗附貢住薛鎮道光辛丑己酉疊被水災櫛在本鎮倡捐糶粥活人無算乙巳年倡辦豐備倉積穀三千餘石

遇饑散給貧民

當塗縣志

謝葆和蕪湖舉人道光間倡捐興辦同仁同義養濟育嬰諸善舉咸豐中從溫州鎮吳全美征剿卒於軍營又濮運桂創立體

仁局撫卹孤貧理問濮鈐接辦局務道光辛卯挾濟水災

蕪湖縣志

陳上珍當塗歲貢歲歉貧不自給猶分食濟人課徒有貧而力

學者不計脩脯必獎成之

當塗縣志

陳球字東序當塗庠生候選州同邑建育嬰堂築平湖埠及歲

饑平糶皆樂輸重資修家譜建宗祠均獨任其事

當塗縣志

李慶莊字端民當塗人候選鹽知事好施與親朋貧苦者不惜

資助邑建育嬰堂捐田八十畝歲饑平糶賑粥給絮皆慷慨樂

輸當塗縣志

經政延蕪湖人議敘運同獨力任修學宮逾年告成蕪湖縣志

汪浩繁昌監生施粥賑饑散給絮襖每歲行之不倦繁昌縣志

鮑攀鳳字鳴岐繁昌人府學生每歲持金詣錦衛洲收檢枯骨

分別男女瘞於丁家山清明日在橫鎮兩隴挑培荒冢行之數

十年繁昌縣志

湯如金繁昌增生每值歲歉借弟如玉等捐糶賑饑繁昌縣志

吳瓊字又黃當塗歲貢少貧苦力學以衛籍兼辦漕務或以干

金賄之瓊正色拒絕晚年好學不倦士林多矜式之當塗縣志

吳其雙字秀夫當塗廩生自幼以孝聞晚年積祠穀理宗譜屢

遇水視倡捐賑濟又置義塚拚幣埋齒著有丹陽湖辨菴竹居

吟草

夏斯景紫  
堂文集

姚在濱字朝傑當塗人州同道光三年水災周濟族鄰計口給食次年麥熟乃止邑修學宮建育嬰堂均竭力捐資有鬻妻女者必保全之買地掩埋枯骸無算

當塗縣  
呈册

章運煌字朗齋蕪湖舉人嘗倡捐修理學宮浮橋及水災辦理賑務兩署教職在甯國縣辦團勸餉親歷四鄉在安慶府率紳建造學宮考棚遇有寒畯助以膏火嗣選亳州學正未任卒

縣呈  
册

劉翊宸字峻峯當塗附貢世居博望鎮祖監生諤廷多義行嘗捐助育嬰堂四百金父監生景周患疝十六年翊宸侍疾不懈邑建學宮及本鎮建文昌宮皆倡捐以助又焚積券三千餘金

當塗縣  
呈册

重修安徽通志卷二百五十七

人物志

義行 十一

廬州府

漢陳翼字子初廬江人出見馬傍一人病呼曰我長安魏少公聞廬江樂來遊今病不能前翼迎歸養之有金十餅帛二十疋既死翼賣帛買棺衾以餅置棺下騎馬出入後其兄長公見馬告之吏捕翼具言狀長公於棺下得金叩頭謝以十餅投其門翼走長安還之

廬州府志引廬江七賢傳

宋呂士元巢縣人哲宗朝立十科法士元上疏懇切不報歸而憤曰當今蔡確蔡卞呂惠卿章惇四害未除吾等困老田間與世無補乃去東山二里抱書投橋下朝士王巖叟朱光廷咸惜

之因名其橋曰抱書

江南通志

元張順興合肥人出米五百餘石賑饑後至元五年旌其門

廬州府志

府志

吳寅合肥人元末寇亂村民欲避去寅曰不如協力守遂營壘儲蓄備器械以待之賊至悉力戰守村得保全以勞瘁死鄉人

立碑於其墓今存

合肥縣志

明楊宗廬州人父重三從太祖立功授成都中衛指揮同知宗當世官乃讓與弟襲偕弟至蜀爲別業以居一日子入市得遺金告宗曰汝得而喜彼失而憂矣命往候失金者還之

江南通志

孫日龍廬州人爲里老有鄰婦以貧鬻於外郡者日龍白於官

捐金贖歸爲之擇配年祿貸官糧四百石以賑

江南通志新編

陳本忠無爲人正統庚辰歲歉輸米九千二百斛子志高輸二

千斛志達輸八千八十斛以備賑又憫流民露宿爲屋百楹居之施粥二月以食饑者俱奉敕旌同邑朱燦輸米四千四百斛又朱亮設粥日食數百人旌曰尙義之門

江南通志

薛崇禮廬州人應選貢讓於師後又當歲貢復讓於友居家孝友與兄崇仁俱爲時重

江南通志

董淵合肥人正統間出穀千石助賑優免差役

合肥縣志

王閏汪德中方景俱巢縣人正統五年歲歉各輸穀五百石姜禮輸七百石七年王閏與穆正各輸一千五百石旌爲義門

廬州府志

巢縣志

戴庸趙賢俱巢縣人景泰四年各捐穀一千二百石助賑詔旌其門同邑方恂姜浩李景汪彥玘趙贊皆以助賑給冠帶

廬州府志

縣志

郭本彥舒城諸生成化十三年大水賑粟千斛宏治五年復大

水賑亦如之

舒城縣志

丁浩無為人成化間饑出粟三千二百斛助賑又煮粥以食餓

者詔旌門建坊

無為州志

呂銀廬江人嘉靖時饑捐穀五千石賑濟敕建坊旌為義官

廬州府志

府志

馬福無為人居孝友嘗出游遇風雪宿於村僻有婦夜干以

私厲色拒之不俟明而行邑欲修學福首捐金為之倡

廬州府志

杜濂無為人客蕪湖嘗兩拾遺金凡數百俱俟其人還之

江南通志

汪一耀舒城人嘗適皖拾遺金守而還之

舒城縣志

盧九垓廬江歲貢官揚州教諭捐數百金修葺學宮歲禮運穀

千餘石助賑事載揚州名宦志

廬江縣志

楊舜漁無為人義命自安一門之內自相師友里中目爲楊古

人子雜嶽鬻產助餉聞流寇之難絕粒以歿

江南通志

李篋生合肥人以普濟爲念解推不計多寡冬備襦袴及米待里之無衣食者戚友婚喪隨時周給萬厯間歲大祲仗義捐輸存活無數

廬州府志

張澄廬江人以庖爲業遇時物必畱以奉母孝養數十年如一

日嘗於蕪湖拾遺金又嘗糴李姓穀內有白金並還之

江南通志廬

江縣志

王信九廬江人歲饑捐粟九千石辭不受旌

廬江縣志新増

沈曄合肥人曾知利津縣多善政告歸後崇禎時歲饑設廠賑

粥次年復大疫捐資數千施棺掩骼又於三河鎮獨建沈家橋

人無病涉

廬州府志



胡景裕舒城人事親以孝聞崇禎間桃城浮橋圯景裕獨捐三百餘金重建往來德之

舒城縣志

徐日升合肥人事繼母以孝聞歲大祲出積粟六千石倡賑一時慕義相效肥民賴以全活

廬州府志

許國忠合肥庠生歲旱輸粟五百石助賑修理城垣周卹貧乏多義舉

廬州府志

徐一鸞舒城人遭遭金賑歲饑善事甚眾壬午城陷年八十爲賊執不屈死

舒城縣志

孫朝傑無爲人歲祲悉計里中貧乏者授之食眾賴全活一日

適西山李姓李他適惟一婦在日暮虎暴不可行朝傑使婦扃其戶而身宿戶外藉草以睡及曙而去

廬州府志

許大器舒城人明末寇變立寨龍河保守全活甚眾授遊擊冠

帶後爲賊所破不屈死

舒城縣志

李雲仍合肥庠生歲饑捐穀三百五十石助賑流寇偪城捐金

募士絕城擊之賊爲之退卻

廬州府志

李先蔡合肥諸生寇偪郡城邑令熊文舉誓與城爲存亡先蔡輸粟千鍾爲晝戰守計文舉守西城以東城委先蔡賊知西門有備盡力攻東先蔡率死士衝之斬殺無算賊以火攻令士各取土一筐壓之火息而賊氣沮稍稍引去潛出尾其後又斬無算未幾文舉去有幕府兵從南來者漫無紀律城中疑爲賊兵從而殲之遂以擅殺坐先蔡罪大辟會城陷得免不知所終

府志

蔡廷篴蔡禔皆合肥人歲連祲累輸粟以賑家本素封遂以此

落不悔又王明舜亦以竭力賑饑致家中落

廬州府志

邱宗開合肥庠生寇亂時出資練鄉兵保禦得免賊害同邑王  
典居南鄉寇警避其地者數百人典以所居分處飲食之皆得  
全活又胡志鴻寇亂後移居鄉莊親黨多依以全活不能婚嫁  
者助之廬州府志

陳銳無爲人歲祿出穀六百斛以賑同邑耿大化四世同居歲

祿亦出穀六百斛助賑無爲州志

夏閏無爲人道拾遺金守而還之善岐黃施藥救人無算無爲州志

國朝宋儒醕廬江諸生明季流賊入其鄉中有一人大呼曰此予

恩人宋公里也眾問故其人泣曰予年十歲時父賣我償債遇

宋公助銀全我父子今我報德時也遂麾眾而退順治間歲饑

儒醕出穀千斛助賑江南通志

許肩廬江庠生明季寇至同姪武進士可鑄挺身捍拒賊不敢

倡其鄉順治間傾資給里人牛種爲一方所賴

廬州府志

陳魁甲舒城人明季寇至偕里人保聚鹿起山千家賴以無患

烽火之餘白骨徧野飯僧拾骼爲大冢伏臘祭之數十年

廬州府志

朱九如舒城庠生韋三經僕也明季寇變三經一門皆遇難遁

孤從紀僅六歲九如與婦張氏棄其女負從紀逃承平後歸夫

婦力耕以養從紀爲完娶讀書入郡庠可謂難矣

舒城縣志

丁時捷無爲庠生順治九年旱捐米五百斛賑粥同邑諸生沙

裔昌薦饑捐米一千七百石助賑子可續康熙間捐穀賑饑設

立義冢五處

廬州府志無爲州志

張勝宇無爲人嘗拾遺金踰年還其人瘞露骸助婚嫁賑饑造

橋善行不一卒年九十四

廬州府志

劉萬仲合肥人嘗拾遺金訪之有山東賈人醉遺其橐疑爲主

人所竊正在紛爭萬仲至驗之良是舉而還之各叩首謝願分

半不受

廬州府志

陸爾綏集縣人嘗拾遺金守而還之

廬州府志

李琪合肥武舉明季大荒捐貲糴穀以賑順治九年米石四千

琪置簿計口受糧月三次以給焚貸券盈尺康熙十四年旱蝗

復出穀以貸不取償

江南通志

孫遇選合肥人明季旱輸粟賑粥順治間米價太昂與其弟遇

聘輸米數百石助賑

廬州府志

李錦林廬江增生工詩文尤好施濟焚券賑荒每多義舉邑澤

宮毀於寇四十餘年繕修未備錦林贊成之又獨力重建兩廡

卒年八十七

廬州府志

方君佑廬江人康熙己未饑君佑捐穀六百石助賑巡撫徐國

相旌以扁額廬州府志

許祝年字樸齋廬江廩貢選沱陽教諭以親老不赴後考授主事邑遭水旱首捐穀數百石倡賑修學宮及明倫堂子望齡又承父志修名宦祠作枋河橋義舉甚眾廬州府志

朱維世舒城諸生性孝好施助妹娶喪葬恤孤寒貧乏立義冢施棺槨親族多待以舉火一切義舉知無不為雍正九年

旌表建坊江南通志

趙觀乙合肥人順治乙酉舉人置義田修族譜歲饑鬻產以賑疫則施藥療之多所全活嘗自題其齋柱云立心行善非求福教子知書不為名廬州府志

潘恆闢舒城人家貧嘗夜拾遺金坐以待旦俟其人還之同邑

姚守堅江自孔皆以還遺金聞廬州府志

吳牲廬江諸生康熙戊子江南大水糴米以賑繼而疫作復施

棺數百具

廬州府志

金芝蘭廬江歲貢康熙庚寅歲饑出穀五百石助賑

廬州府志

馬祐合肥歲貢每歲歉輸粟賑濟疫則施藥施棺有鬻妻償債

者出資全其夫婦家本饒竟以好施中落

廬州府志

王希曾舒城歲貢嘗讀書於客館有少婦挑之堅拒不納

廬州府志

靳宏毅舒城諸生慷慨好善廬州試院舊張席棚爲號舍歲科

試偏仄欹斜不得舒展遇雨尤窘知府徐某思易之而艱於費

教官余某以語宏毅慨然任之一時稱盛事云

廬州府志

傅國佐合肥庠生康熙間早出穀數百石助賑又捐資修復府

學樂器祭器族姪少孤撫之成立置義冢賙貧乏人皆重之

廬州府志

府志

宋學悟無爲人親歿終身茹素家貧嘗拾王某聘媳禮金某取金不得疑爲冢婦所匿婦不能明將就死學悟聞之急呼某至告其遺而還之全生全婚兩善備舉後家小裕修橋造渡義無不爲

廬州府志

朱光照廬江人乾隆乙亥歲饑首捐三百餘金備賑募義者效之全活甚眾

廬州府志

褚家璿合肥廩生嘗拾遺金還其人又嘗捐資全人夫婦

廬州府志

趙炯合肥貢生東關外大河北岸崎嶇泥濘炯獨捐金甃成石

廬州府志

李耿忠合肥人援例當授官以母老不赴選乾隆間旱出穀千斛周濟鄉鄰又置義冢以葬孤貧捐修橋梁道路善行不可勝

紀

廬州府志



蔡天泰合肥人少孤性孝善事祖父母及孀母倡恆善局會以

施棺木乾隆間旱於撮城鎮捐賑人日給米半升又有田鄰數

十家饑乏待斃天泰見之量其家口人給錢數千無死者府志

黃存義合肥人嘗捐千金置產稅其租以濟寒士鄉試之費又

捐七白金房舍爲廣益局公所府志

周朝鼎合肥諸生與兄朝鼎友愛無間先世遺產二千金盡以

讓鼎不受鼎曰兄五子食指繁多我可自給無需此也後鼎更

貧猶以館穀資之府志

白廷俊合肥貢生乾隆乙酉捐銀千兩修浚城隍乙巳歲饑復

捐銀二千兩助賑府志

王廷珍合肥諸生孝事繼母族中孀幼無依者悉衣食之乾隆

間旱捐麥八百石銀二百兩按戶以給來春復借籽種百石家

由此落

廬州府志

蔡升字丹亭合肥人乾隆丁卯舉人父泰來性好施予每歲暮捐米五十餘石散給族鄰凡五十餘年泰來卒升遵行之又數十年後以明通榜官旌德教諭加捐國子監典簿

廬州府志

李鼎合肥人歲歉捐穀助賑親族就食者數十人母登大臺鼎亦六十餘每進膳孫曾侍側以承色笑後五世一堂合家同饗

廬州府志

高珠舒城人每歲暮散財周急又分田數百畝贍濟親族嘉慶元年與千叟宴以候選同知加一級並邀

恩賚如意壽杖綾緞等物子珍幼負才名能肩大事七門堰久毀珍屢

清理原委上下墻田均蒙其利

廬州府志

何芬舒城人例授知府邑建龍山書院樂輸數百金卒後三子

恪遵遺命乾隆乙巳歲饑出穀數百石輸官賑濟邑民賴焉

府志

董正字鵬飛合肥人乾隆丙辰舉人知安遠縣興義學減工稅去虎患多惠政子世掌候選運同甲戌戊子丙午並捐資助賑共費銀二千餘兩又置義田以贍族捐修府縣學宮巡撫屢以

扁旌

合肥縣志

魏國樞合肥貢生乾隆間旱捐穀四百石助賑

合肥縣志

吳崇誥字紹伊廬江人候選經歷邑舊有書院廢弛已久崇誥倡輸買地建潛川書院捐置田畝及贖回學田之質於民者歲入租五百餘石充束脩膏火又修學宮葺城垣遇歲歉出粟賑饑邑有義舉率先成之

廬江縣志

項仕金廬江人候選州同嘗出資完人婚姻全人節操助賑卹

貧義舉甚多從弟貢生仕才尤孝友好施予嘗捐田五十餘畝以贍族人乾隆戊戌乙巳丙午歲饑其捐銀一千餘兩市米助賑邑人賴之

廬江縣志

江國福廬江貢生乾隆癸亥邑西門外延燒百餘家運錢比屋散給所費不貲災者藉以安葺弟諸生國祿嘗於山東旅舍拾六安劉某金百五十兩守候還之子有貞亦諸生歲暮嘗以錢米賑恤鄉鄰施棉施棺歲以爲常

廬江縣志

丁茂純廬江人候選理問乾隆乙巳旱同兄茂熾捐四百金助賑又分給戚族銀數百兩

廬江縣志

李國梓無爲貢生州建崇聖宮改造奎文閣皆慷慨倡捐身董其役乾隆甲申後郡中三遭水患皆輸粟助賑全活無算嘗選賣女鬻婦者出資全之

無爲州志

新安士舒城人候選知府遇歲歉爲糜賑饑或給以米存活甚

眾乾隆戊寅捐二千餘金重修學宮其孫文莊能繼厥志癸丑

復捐金重建大成門

舒城縣志

張佐原姓左舒城諸生嘗拾遺金五十兩其母劉氏命往故處

候而還之其人分以謝不受

舒城縣志

張杰舒城人衛守備好施不倦歲暮每出錢米以賑族鄰嘗捐

千餘金與同邑諸生孫崇禮移建崇聖祠於大成殿後規制一

新

舒城縣志

蔣郁生舒城人嘗拾遺金守之三日還其人

舒城縣志以上舊志

盧辰告廬江附貢雍正初官漢陽府通判以憂歸賑荒修城置

義田育嬰堂獨建學宮尊經閣未成而卒子元子寬甯產竣其

事

廬江縣志以下新修

趙洛合肥進士官山西左雲知縣有政聲生平重然諾能急人

之急舉人褚文倡歿於都中洛經紀其喪

合肥縣志

王洪廬江人乾隆初客合肥有鬻子婦者洪贖之給資完聚

廬江縣志

廬江縣志

姚葉發廬江人州同銜乾隆乙巳旱出重資助賑復貸數千金

自行拯濟是年貢生程朝瑗捐銀助賑監生凌厚積每日施米

自冬至麥熟始罷

廬江縣志

黃鋒合肥人嘉慶辛未甲戌旱先後輸粟六千斛又買穀減價

糴之

合肥縣志

孫序賢字墨村舒城進士居三河嘉慶癸酉旱倡捐錢穀辦賑

商民皆樂輸三河饑民賴以全活初序賢鄉試江甯爲人贖妾

罄行橐三百金

舒城縣志

洪佩金巢縣監生嘉慶甲戌早出資平糶數十里內俱賴以活是年監生方以禮賑麥六百石錢千緡監生李鉦賑穀二百石徐文科徐掄元賑錢五百緡

巢縣志

張尙耀張廷貴俱廬江監生嘉慶甲戌早各捐金助賑廷貴又自賑戶族按口給銀

廬江縣志

張鈞廬江監生嘉慶甲戌早散米數百石晚年授諸子田產別存租三百石以濟貧苦

廬江縣志

王朝選廬江文生嘉慶甲戌早出穀千餘石濟人而自食菜粥

廬江縣志

董三重合肥廩生拾遺金百兩還其人

合肥縣志

沈名采袁振吉朱佩蒼俱廬江人並拾遺金還人振吉又有出

資完人夫婦事

廬江縣志

馮啟廣舒城人從九品拾遺金還人

舒城縣志

陳世宜無爲人在連漕鎮拾遺金一囊待其人還之不受謝乃

立石紀其事

無爲州補志

趙鵲棠合肥人官溫州衛守備嘉慶中捐錢千緡生息爲學宮

歲修費

合肥縣志

許勣廬江增生嘉慶丁丑與諸弟鬻田助修學宮

廬江縣志

盛達合肥人族有貧而讀者助以膏火商者助以資本嘉慶道

光中兩次捐賑千金病革出借券焚之又監生戴大禮亦於嘉

慶道光時三次捐賑及修學宮

合肥縣志

王之路合肥監生道光三年水災收瘞流尸葬枯骨子星軫增

生有妻人欲離婚者助錢粟止之

合肥縣志

戴鸞齊合肥廩生道光辛卯水災傾家糧以給親友請官設粥

人物志 義行

二 國州府



重刊安徽通志 卷三十三  
二  
廠賑濟

合肥縣志

戴鴻恩合肥進士官湖南新甯知縣仁厚好義周濟族中孤寡二十餘年道光辛卯水災倡捐賑濟復捐設牛痘局十有六年著有漱芳園詩集

合肥縣志

戴鴻勳合肥人候選理問弟鴻鈞歿時已分居留其子四人教養成立邑有大工作皆經理有條或公項不足濟以己財雖鉅費弗惜

合肥縣志

李殿華字慶菴合肥武生孝友尙義父病禱天請代居喪致毀析產推多於兄并資助姊妹家數十年中歲喪妻義不復娶亦無妾婢處鄉里以仁讓人占其田不校焚負券賑水旱恤孤寡無吝財教子文安成進士官刑部親見孫鴻章舉於鄉卒年八十四累

贈光祿大夫

合肥縣志

蔡有望合肥監生議敘九品家素裕因好施鬻產幾盡見有孤

兒無依爲之教養成立

合肥縣志

范本泌合肥人每冬備衣食以周貧乏又文生范至監生范楠

皆樂善好施

合肥縣志

梁元龍合肥監生獨造東南鄉兩橋從弟貢生元鳳道光初捐

穀三百石賑水災捐錢四百緡置救火具

合肥縣志

丁變元合肥貢生施棺置義地捐田租百三十石助鄉試卷費

合肥縣志

王秉廉合肥監生道光己酉大水散穀二百石咸豐三年賊警

至飢民洶洶秉廉捐糧二千石人效行之一方無搶掠者

合肥縣志

計世本廬江人候選同知道光戊申己酉庚戌水災助賑三次

咸豐辛亥捐田百四十餘畝入學宮書院為歲修膏火費廬江志

姚克志廬江監生每歲暮散給錢米絮衣道光戊申己酉水災

兩次助賑咸豐初捐餉三百金廬江縣志

許家麟舒城貢生道光三年無為州水攜萬餘金偕友李陽春

擇尤困者濟之全活無算舒城縣志

汪鼎無為監生道光癸未水以千餘金并售田三百金賑之無為州志

州志

張觀國無為文生八品銜道光辛卯水決州壩捐貲獨建又孔

目銜汪作壽道光癸巳戊申兩次出資搶救陳家閘黃汰圩埧

理問銜丁敏倫道光辛卯捐米濟荒無為州志

季世壽無為人歲歉同姪邦杰捐米以濟族鄰出貲築小新圩

隄置義冢無為州志

周啟鄴無爲監生道光閒水荒賑穀二百石又有完人夫婦及

焚券事

無爲州志

吳嘉祥無爲人理問銜道光辛卯水災賑米四百餘石每歲捐

修江隄施棺送藥

無爲州補志

任善榜趙廷謨俱巢縣監生道光中各捐貲助賑水災廷謨又

捐巢湖書院及鄉試卷費

巢縣志

鄒雲慶巢縣人布經歷濡須寺塔舊五級道光丙午雲慶增造

二級培植文風費千餘金

巢縣志

陳良椿巢縣人祖籍休甯道光己酉大水北門外見子橋圯捐

錢千三百緡獨力重建

巢縣志

周有富巢縣人咸豐初捐礮船鐵木數萬斤議敘把總粵匪竄

境出粟四百餘石給鄉鄰又梅在春給練丁粟五百餘石

巢縣志

王世溥合肥貢生咸豐初元舉孝廉方正修城垣書院包孝肅祠率鄉兵剿捻於鳳臺殲其魁葛滄隴又招撫淮團之反側者其後髮捻交煽世溥集練營鎮邪山三圍鳳陽再攻懷遠以功保知州九年規取廬州卒於軍

贈知府銜蔭子入監著有小輞川詩鈔

合肥縣志

施錦城合肥文生聘妻張瞽妻父請別娶不可竟婚瞽女咸豐三年江忠源延錦城治病遂殉廬州之難妻張投井死

合肥縣志

張蔭穀字藍畦合肥文生仁孝尙義吮父瘡得愈咸豐三年安慶陷倡捐糧千石散給飢民六年大旱每糴粟必分半給里中餓者廬州陷倡議築堡勸耕督戰十年帶練勇堵剿髮捻授諸子樹聲樹珊樹屏等韜略擊退羣賊積勞成疾卒

卽如例

合肥縣志

吳璠合肥監生歲祲必捐賑里無餓殍又捐義倉修橋道著有

未園詩集

合肥縣志

郭有訓合肥監生咸豐五年廬城兵集乏糧有訓輸粟助餉

合肥縣志

志

吳沛合肥廩生傾囊全人夫婦歲歉鄰人舉家餓不能起贈米

活之

合肥縣志

龔作楫合肥廩生咸豐初安慶陷盜四起作楫白廬州府擒斬

煽亂者又出粟以貸良善廬州陷復悉力捍禦里人賴之積勞

病卒蒙

贈國子監學錄銜

合肥縣志

張盛愷字勁筠廬江人候選郎中尚氣節扶植善類周濟窮困

嘗冒險脫故人於難咸豐三年縣城陷上書請進兵圖規復十

重修安徽通志

卷三百五十七

人物志

義行

右

廬州府

一年賊退助知縣籌辦善後時丁漕暫改抵徵懷甯桐城皆一畝徵錢四百盛愷言廬江畝小積四五畝收穀一石尙不及懷桐一畝所入力請核減得以一石準一畝納錢從軍雉河積勞卒於防所

贈光祿寺卿銜蔭子入監以知縣用

廬江縣志

東宗煥舒城人捐建三叉河石橋二座又舉人程滌捐田以爲七門堰溝道興復水利並建橋於溝上衛守備束斌捐建雙濟永濟兩橋

舒城縣志

任湛恩無爲附貢每大水必出資力搶救圩隄又有完人夫婦事

無爲州志

李兆葉無爲人出金完族人骨肉髮賊掠州境竭財團練保衛

鄉里

無爲州志

張淮無爲增生咸豐閒髮逆擾境疊次捐資團練十一年禦捻

匪於白錫嶺保衛鄉里

無爲州志

劉旺巢縣監生捐粟濟水災咸豐初捐守城及團練費

巢縣志

蔡大紀巢縣監生完人夫婦不欲眾知邑中水災捐貲助賑又輸租百餘石入書院子嘉賓理問銜捐防守費五百金捐租爲

鄉試卷資

巢縣志

賈大鵬巢縣武生修建橋寺計費千金

巢縣志

丁先誥合肥舉人素有鄉望同治年間捻圩林立先誥勸諭平圩不避艱險以勞道卒照軍營病故例議卹

合肥縣志

程煜舒城人訓導有浙人陸辰昌瀕死出百金以老母妻子爲託煜避寇挈陸眷同行給食用三年賊平後賣產得百金加子

錢還之

舒城縣志